



Broj: 01- 50-1-4/11/24

Sarajevo: 8.1.2025.godine

PREDSTAVNIČKI DOM

PARLAMENTARNE SKUPŠTINE BOSNE I HERCEGOVINE

n/r predsjedavajućeg

Šemsudin Mehmedović



BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 08-01-2025			
Organizaciona jedinica	Klasifikaciona oznaka	Redni broj	Broj priloga
01-	50-1-	94/25	

U skladu s čl. 170. i 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 53/22, 59/23, 87/23 i 50/24) postavljam

**ZASTUPNIČKO PITANJE ZA
KOLEGIJ SEKRETARIJATA PARLAMENTARNE SKUPŠTINE
BOSNE I HERCEGOVINE**

S obzirom na to da je Boško Šiljegović, parlamentarni vojni povjerenik, zbog navršenih 65 godina života, po sili zakona morao biti penzionisan 30. jula 2021. godine, potrebno je da Kolegij Sekretarijata Parlamentarne skupštine Bosne i Hercegovine, dostavi odgovor u vezi navedenog slučaja koji će sadržavati sljedeće podatke za period 30.7.2021. do 8.1.2025. godine:

- **Da li je stručna služba Sekretarijata dostavila Zajedničkoj komisiji za administrativne poslove rješenje o prestanku radnog odnosa radi penzionisanja Boška Šiljegovića na verifikaciju?**
- **Koje je mjere i službene radnje u navedenom periodu preduzeo Kolegij Sekretarijata vezano za produženje radnog odnosa i isplatu plata Bošku Šiljegoviću?**
- **Na osnovu koje konkretne zakonske odredbe Kolegij Sekretarijata je omogućio da se Bošku Šiljegoviću vrši isplata plate uprkos činjenici da je imenovani po sili zakona morao biti penzionisan?**

Potrebno je dostaviti sve službene akte Sekretarijata Parlamentarne skupštine Bosne i Hercegovine i Zajedničke komisije za administrativne poslove Parlamentarne skupštine Bosne i Hercegovine vezano za produženje radnog odnosa i isplatu plata Bošku Šiljegoviću.

U skladu s članom 171. st. (2) Poslovnika Predstavničkog doma odgovor u pisanoj formi mora se dostaviti **u roku od 30 dana** od dana kada je pitanje dostavljeno onome kome je upućeno

Zakonom o parlamentarnom nadzoru („Službeni glasnik BiH“, br. 25/18) propisane su sankcije za neodgovaranje na poslanička pitanja (član 64. stav (1.) tačka a) i b) Zakona.

Objasnenje

Boško Šiljegović je na funkciji parlamentarnog vojnog povjerenika od 16. septembra 2009. godine, znači više od 15 godina, a nakon isteka trećeg mandata i danas obavlja ovu dužnost. Nesporno je da je Boško Šiljegović po sili zakona, zbog navršenih 65 godina, morao biti penzionisan 30. jula 2021. godine. Član 71. stav (1) tačka a) alineja 1. Zakona o radu u institucijama Bosne i Hercegovine glasi: "Radni odnos prestaje po sili zakona kada zaposlenik navrši 65 godina života – danom donošenja rješenja".

Zajednička komisija za administrativne poslove Parlamentarne skupštine Bosne i Hercegovine u svom dosadašnjem radu je obavezno donosila rješenja o prestanku radnog odnosa za sve delegate i zastupnike koji su navršili 65 godina života, pa je tako moralo biti i sa parlamentarnim vojnim povjerenikom koji je u stalnom radnom odnosu u Parlamentarnoj skupštini.

Članom 6. Zakona o parlamentarnom nadzoru propisano je da zastupnici provode nadzor nad radom institucija Bosne i Hercegovine postavljanjem zastupničkih pitanja, a članom 7. stav 2. istog zakona, utvrđeno je da se parlamentarni nadzor provodi radi preventivne zaštite od zloupotrebe položaja i ovlaštenja, materijalnih i finansijskih resursa.

Pošto je u medijima objavljeno da je Bošku Šiljegoviću, suprotno zakonu, produžen radni odnos i da postoje osnovi sumnje da je oštećen Budžet institucija Bosne i Hercegovine zbog isplate nepripadajućih 40 plata, neophodno je u okviru parlamentarnog nadzora utvrditi moguću zloupotrebu položaja i ovlaštenja, materijalnih i finansijskih resursa.

S poštovanjem,

ZASTUPNIK PS BiH
Šemsudin Mehmedović

